

Civilafdelingen

Dato: 10. marts 2017
Kontor: Nordatlantenheden
Sagsbeh: Nikolaj Jagd Sørensen
Sagsnr.: 2016-490-0034
Dok.: 2249952

**Suliassani Kalaallit Nunaannut tunngassutilinni pisortat ingerlatsinerat pillugu inatsisip
atuutilersinneqarneranik peqqussummut missingiutip**

TUSARNIAASSUTIGINERANIT AKISSUTIT OQAASEQAATITALLIT

1. Tusarniaaneq

Peqqussummut missingiut piffissami 15. aperil 2016-imiit 20. maj 2016-imut oqartussanut kattuffinnullu il.il. tulliuuttunut tusarniaassutigineqarpoq:

Østre Landsretip Præsidentia, Vestre Landsretip Præsidentia, Nunatta Eqqartuussisuuneqarfia, illoqarfiit eqqartuussiviini præsidentit, Kalaallit Nunaanni Eqqartuussivik, Eqqartuussivinnut Aqutsisoqarfik, Naalagaaffiup eqqartuussissuserisua, Rigspolitiet, Kalaallit Nunaanni Politimesteri, Pinerluttunik Isumaginnittoqarfimmut Pisortaqaarfik, Ingerlatitseqqinnissamut Akuersisartut (Procesbevillingsnævni), Datatilsyni, Danskite Eqqartuussisut Peqatigiiffiat, Dommerfuldmægtigit Peqatigiiffiat, Politidirektørit Peqatigiiffiat, Politiforbundet, Pisortat Unnerluussisuisa Peqatigiiffiat, Advokatrådet, Akademikernes Centralorganisation, Amnesty International, Arbejderbevægelsens Erhvervsråd, Berlingske Media, Centralorganisationernes FællesUdvalg, Atuagassiaq ullormut saqqummersartog Information, Danmarks Jurist- og Økonomforbund, Danmarks Lokal-Tv Forening, Danmarks Medie- og Journalisthøjskole, Danmarks Radio, Danskite Sulisitsisut Peqatigiiffiat, Danskite Eqqartuussisuserisut, Danskite Atuagassiaat Ullormut Saqqummersartut Peqatigiiffiat, Danskite Umiarsualivii, Danske Mediers Forum, Danmarkimi Nunat Immikkoortui, Danskite Sulisitsisut, Dansk Erhvervsfremme, Dansk Folkeoplysnings Samråd, Danske Specialmedier, Dansk Industri (DI), Danskite Tusagassiortut Kattuffiat, Dansk Magasinpresses Udgiverforening, Dansk Student Tv Forening, Den Kristne Producentkomité, Det Kommunale Kartel, Danske Idebaserede Lokale Elektroniske Medier, 3F – Faglige Fælles Forbund, Foreningen af Advokater og Advokatfuldmægtige, Foreningen af Danske Interaktive Medier, Foreningen af Danske Lokale Ugeaviser, Foreningen af Statsforvaltningsjurister, FTF, Kalaallit Nunaanni Namminersorlutik Oqartussat, Handels- og Kontorfunktionærernes forbund i Danmark, Inuit Pisinnaatitaaffiinnut Ingerlatsivik, Juridisk Institut – Syddansk Universitet, Juridisk Institut – Aalborg Universitet, Juridisk Institut – Aarhus Universitet, Jyllandsposten, Kommunale Tjenestemænd og Overenskomstansatte, Kommunernit Kattuffiat (KL), Kriminalpolitisk Forening, Kristeligt Dagblad, Københavnip Inatsisitigut Ikiorisarfia, Københavns Universitet – Det Juridiske

Fakultet, Landsforeningen af Forsvarsadvokater, Landsorganisationen i Danmark (LO), Politiken, Producentforeningen, Radio 100 FM/Talpa Radio, Radio 2, Radioerne, Radio- og TV-nævnet, Retspolitisk Forening, Retssikkerhedsfonden, SAML Sammenslutningen af Medier i Lokalsamfundet, SLRTV, Statsforvaltningen, Statsansattes Kartel, Stats- og Kommunalt Ansattes Forhandlingsfællesskab, TV2/DANMARK A/S, TV3 A/S aamma Århus Retshjælp.

Piffissami 23. december 2016-imiit 30. januar 2017-imut missingiut Kalaallit Nunaanni Namminersorlutik Oqartussanit oqartussanut kattuffinnullu il.il. tulliuttunut ilanngullugu tusarniaassutigineqarpoq:

Nunatta Eqqartuussisuuneqarfia, Kalaallit Nunaanni Kommunit Kattuffiat KANUKOKA, Kalaallit Nunaanni Eqqartuussissuserisut Peqatigiiffiat, Sulisitsisut, Kalaallit Nunaanni Namminersorlutik Oqartussat – Isumaginninnermut Inatsisinillu Atuutsitsinnermut Naalakkersuisoqarfik, Kalaallit Nunaanni Namminersorlutik Oqartussat – Ilinniartitaanermut, Kultureqarnermut, Ilageeqarnermut Ilisimatusarnermullu Naalakkersuisoqarfik, Ilisimatusarfik – tusagassiormut ilisimatusarfik, IMAK, KNR, Kommuneqarfik Sermersooq, Nuuk TV, S.I.K., Transparency Greenland.

Inatsisinik Atuutsitsinnermut Ministereqarfiup tusarniaanermut akissutitut oqaaseqaatai uingasunik naqinnilerlugit allataapput.

2. Tusarniaanermut akissutit

Østre Landsretip Præsidentia, Vestre Landsretip Præsidentia, Kalaallit Nunaanni Eqqartuussivik, Eqqartuussivinnut Aqutsisoqarfik, Naalagaaffiup Eqqartuussissuserisua, Ingerlatitseqqinnissamut Akuersisartut, (Procesbevillingsnævni), Datatilsyni, Danskiteqartuussisut Peqatigiiffiat, Dommerfuldmægtigit Peqatigiiffiat, Pisortat Unnerluussisuisa Peqatigiiffiat, Advokatrådet, Danskite Sulisitsisut Peqatigiiffiat, Nukissiuuteqarnermut Aqutsisoqarfik aamma Naalagaaffimmik Ingerlatsivik missingiummut oqaaseqaateqanngillat.

Suliassaqarfimmi inatsisinik nutarteraluni aallartittoqarnera **Inuit Pisinnaatitaaffiitut Ingerlatsiviup** pitsaasutut isigaa.

Tusarniaanermut politikikkut suli isummertoqarsimannginnera **Kommuneqarfik Sermersuup** oqaatigaa.

Pisortat ingerlatsinerannik paasitinneqarsinnaatitaaneq pillugu inatsisip nalilersorneqartussaanerata malitsigisaanik allannguutaasinnaasunik peqqussutip atuutilernissaata utaqqimaartinneqarnissaa **Danskite Tusagassiortut Peqatigiiffiata, IMAK-ip KANUKOKA-llu** innersuussutigaa.

Pisortat ingerlatsinerannik paasitinneqarsinnaatitaaneq pillugu inatsimmik atuuttumik nalilersuinissamut aggersumut atuutsitsilernissaq utaqqimaartinneqartariaqanngitsoq Inatsisunik Atuutsitsinermut Ministereqarfik isumaqarpoq. Naalagaaffimmi oqartussat sulianik paasinnissinnaatitaaneq pillugu sulianik suliaqarnerminni inatsisitigut assigiissunik sapinngisamik sukkanerpaamik atugaqartilernissaasa qulakkeerneqarnissaat pingaaruteqartoq Inatsisunik Atuutsitsinermut Ministereqarfik isumaqarpoq. Nalilersuineq taaneqartoq naammassereeriarpat, pisortat ingerlatsinerannik paasitinneqarsinnaatitaaneq pillugu inatsimmi nalilersuineramik tunngaveqartumik allannguutaasinnaasunik Kalaallit Nunaanni sulianut atuutsitsilernissaq pillugu apeqqummut ministereqarfik isummerumaarpoq.

Akademikernes Centralorganisation, Den Kristne Produktionskomité, DILEM, S.I.K., Kalaallit Nunaanni Sulisitsisut aamma Retspolitisk Forening peqqussummut missingiutip imatut ilusiligaaneranut attuumassuteqanngitsumik, pisortalli ingerlatsinerannik paasitinneqarsinnaatitaanermit inatsisip tunuliaqutarineqartup ilusiligaaneranut tunnganerusumik oqaaseqaateqarput. Tusarniaaffigisat taaneqartut ilaasa pisortat ingerlatsinerannik paasitinneqarsinnaatitaaneq pillugu inatsisip atuuttup suliarineranut atatillugu tusarniaanermit akissutitik tamatumunnga atatillugu innersuussutigaat.

Pisortat ingerlatsinerannik paasitinneqarsinnaaneq pillugu inatsimmi § 43 malillugu inatsit Kalaallit Nunaanni (Savalimmiunilu) pissutsit pisariaqartitaannik allannguutitalerhugu atuutsinneqalersinnaasooq tamatumunnga atatillugu oqaatigineqassaaq. Taamaasilluni pissutsini taamatut ittuni allannguutit tunngavilersorneqanngippata, taamaallaalli inatsimmi maleruagassiarineqartumit allaanerusumik inatsisitigut atugaqarnissaq tunngavilersuutigineqarpat, kunngip peqqussutaatigut inatsimmik avaqqutsisoqarsinnaanngilaq.

Kalaallit Nunaata Danmarkillu akornanni immikkut ittumik pissuseqartoqarneranut isummertoqarsimannginnera **Kalaallit Nunaanni digitalimik sullissinermut aqutsisoqarfiup** annerusumik maluginiarpa. Kalaallit Nunaanni digitalimik sullissinermut aqutsisoqarfiup tamatumunnga atatillugu oqaatigaa, Kalaallit Nunaanni Namminersorlutik Oqartussat, KANUKOKA-p kiisalu Kalaallit Nunaanni kommunit akornanni allakkianik il.il. naalagaaffimmi oqartussanik isumaqatigiinniarnerminni atugassaminnik paarlaasseqatigiittarnissaasa ilaatinneqannginnissaat pillugu aalajangersakkamik peqqussutissatut missingiummi amigaateqarluni.

Peqqussutissatut missingiut taamaallaat naalagaaffimmi oqartussat Kalaallit Nunaanni sulianik suliarinninnerannut tunngasuummat oqaatigineqassaaq. Allakkiat il.il. Kalaallit Nunaanni Namminersorlutik Oqartussat, KANUKOKA-p Kalaallit Nunaannilu kommunit akornanni paarlaaqatigiissutigineqartut pillugit paasitinneqarnissap ilaatinneqannginnissaanut apeqqut, taamaalilluni missingiummi maleruagassaqartinneqanngilaq.

Peqqussutissatut missingiummi sulianik suliarinninnermut piffissaliussat eqqarsarnartoqartillugit **Kalaallit Nunaanni Politimesterip** oqaatigaa. Taamaasilluni oqaatsitigut nunallu pissusiatigut pissutsit pissutigalugit politiit piffissaliussanik eqqortitsiuminaatsitsissasut Kalaallit Nunaanni Politimesteri isumaqarpoq. Missingiummi § 36, imm. 2-mi aamma § 37, imm. 2-mi piffissaliussat ullunut suliffiusunut 14-inut, § 39-milu piffissaliussap ullunut suliffiusunut 30-nut aalajangersarneqarnissaat Kalaallit Nunaanni Politimesterip tamanna tunuliaqutaralugu. kaammattuutigaa.

Piffissaliussanit atuuttunit peqqussutissatut missingiummi piffissaliussaq annerusumik allaanerunngimmat tamatumunnga atatillugu oqaatigineqassaaq. Peqqussummi atuuttumi § 16 malillugu paasissutissanik tunniussisooqassanersoq oqartussat piaarnerpaamik aalajangissavaat, paasissutissanillu tunineqarnissamut qinnuteqaatip tiguneqarneraniit kingusinnerpaamik qaammatisiutit ullui qulit qaangiunneranni oqartussap piffissaliussap qaangerneranut pissutaasoq pillugu oqartussap qinnuteqartoq paasitissavaa, kiisalu piffissaliussaq naatsorsuutigineqartoq paasissutissiissutigalugu. Paasissutissanik piniarluni qinnuteqaat akuerineqassanersoq peqqussutissatut missingiummi § 36, imm. 2 malillugu oqartussat piaarnerpaamik aalajangissavaat. Paasissutissanik piniarluni qinnuteqaat, qinnuteqaatip tigueneraniit ullut suliffiusut arfineq marluk qaangiutsinnagit oqartussat naammassillugu suliarissavaat, assersuutigalugu suliap annertussusaa imaluunniit sorpassuarnik imaqarnera pissutigalugu tamama qaqutiguinnaq pisinnaannginnera eqqaassanngikkaanni. Taamaappat piffissaliussamik qaangiinnermut pissutaasoq pillugu qinnuteqaatillu qaqugukkut naammassineqarnissaa naatsorsuutigineqarnerasoq paasissutissanik piniartoq paasitineqassaaq.

Naalagaaffimmi oqartussat assigiinngitsut piffissaliussanik taaneqartunik eqqortitsisarnerannut atugassarititaasut assigiinnginnerat inatsisinik atuutsitsinnermut ministereqarfup maluginiareerpaa, ministereqarfilli isumaqarpoq Kalaallit Nunaanni pissutsit pillugit sulianut piffissaliussat allanngortinnerat naapertuutissanngitsoq assigiissumillu inatsiseqarnissap kissaatigineranut akerliussalluni.

Missingiummi § 25-p aamma § 29, imm. 1-ip atuutilersinneqarnissaat eqqarsaatigineqartariaqartoq **KANUKOKA-p** oqaatigaa, KL aamma Danmarkimi nunap immikkoortui peqqussutip atornerqarfianut ilaannngimmata.

Peqqussutissatut missingiummi § 25-mi (aamma § 29, imm. 1-imi, § 25-mut innersuussisumi) aalajangersagaq, KL-ip, Danmarkimi Nunat Immikkoortuisa taakkualu ilaasortaasa (tassalu nunat immikkoortuisa kommunillu) akornanni allakkianik paarlaqatigiinnermut tunngasoq ilanngunneqarpoq, nunat immikkoortui kommunillu pisortat ingerlatsinerat pillugu inatsisip tungaanit isigalugit naalagaaffimmi oqartussanik oqartarnermut ilaammata.

Peqqussutissatut missingiummut kommunit allakkiaat il.il. ilaammata KANUKOKA-p ilanngullugu eqqarsarnartoqartippaa, taamatut iliornikkut KANUKOKA-p isumaa malillugu Kalaallit Nunaanni kommunit allakkiaat ilaassammata. ”Naalagaaffimmi oqartussanik” oqarnermi danskit Kalaallit Nunaanni imaluunniit Danmarkimi naalagaaffimmi oqartussaasui pineqartariaqartut ilanngullugu oqaatigineqarpoq, Kalaallit Nunaallu pillugu suliat danskit kommuniannit imaluunniit Danmarkimi nunat immikkoortuisa arlaanni suliarineqartut imaluunniit suliarineqareersut aqqissuussinermut ilaanngitsut.

Peqqussummut missingiut naalagaaffimmi oqartussat Kalaallit Nunaanni sulianik suliarinninnerannut tunngasuummat oqaatigineqassaaq. Tamatumunnga atatillugu naalagaaffimmi oqartussanik oqarnermi, naalagaaffimmi oqartussat aamma Danmarkimi nunat immikkoortui kommunillu pineqarput. Kalaallit Nunaannili kommunit pineqanngillat.

Pisortanit paasitinneqarsinnaanermut qarasaasiakkut iserfissaq pillugu missingiummi § 18 namminerisanik pingaaruteqarsinnaanerata qularutigisariaqarnera KANUKOKA-p ilanngullugu oqaatigaa.

Aalajangersakkap kinguneranik pisortanit paasitinneqarsinnaanermut qarasaasiakkut iserfissaq (www.offentlighedsportalen.dk), paasitinneqarsinnaaneq pillugu inatsisit il.il. pillugit paasissutissanik imaqartoq, aamma paasitinneqarsinnaanermut tunngasut peqqussutissatut missingiummut ilaasut pillugit paasissutissanik imaqartussaassaaq.

Naalagaaffiup Kalaallit Nunaanni oqartussaasui EU-mi inatsisitigut pisussaaffiit pissutigalugit paasissutissanik pisinnaanermut pisinnaatitaaffimmik killiliisinnaanersut paasineqassasoq KANUKOKA-p naggataagut kissaatigaa.

Naalagaaffimmi oqartussat Kalaallit Nunaanni sulianik suliarinninnerannut peqqussutissatut missingiut tunngasuummat oqaatigineqassaaq, taamaattoqarpallu EU-mut inatsisitigut pisussaaffiit, naalagaaffimmi oqartussanut pisussaaffigitinneqarsinnaasut, tamatumunnga atatillugu aamma atuutissammata.